

常山貞石志

常山貞石志卷十九

諱授朝議大夫直隸正定府知府今調廣平府知府前署大順廣平備道沈濤撰

元五

加號孔子詔書碑

碑高七尺五寸廣三尺三寸上截刻聖旨十三行行十五字下截刻記二十二行行二十四字並正書篆額失拓延祐二年四月立今在正定府學

上天眷命

皇帝聖旨蓋聞先孔子而聖者非孔子無以明後孔子而聖者非孔子無以灋所謂祖述堯舜憲章文武儀範百王師表萬世者也朕纂承丕緒敬仰休風循治古之良規舉追封之盛典加號

大成至聖文宣王遣使闕里祀以太牢於戲父子之親  
君臣之義永惟聖教之尊天地之大日日之明奚罄名  
言之妙尚資神化祚我皇元主者施行

大德十一年七月 日

右  
上  
截

大德十一年

成宗上仙

武宗皇帝為

宗親臣庶推戴

嗣登寶極承重熙累洽之際綿區晏晏煙火萬里狗吠  
雞鳴無風塵之警九夷入蠻興琛輦賸奔走

朝賀惟恐其後於是

天子思所以文致太平乃

繼述

列聖尊崇儒教之

志秋七月加封

孔子為大成至聖文宣王

一札十行

謨告中外得始定終緩之理高掩前古延祐乙卯夏燕  
南憲司真定總府同謀叶力贊成

朝廷盛事饒諸琬囿樹于

殿階庸示悠久臣能歸

美以報其

上不可不書四月

日翰林學士承

旨資善大夫

致仕王思廉謹識

燕南河北道肅政廉訪司管勾承發架閣庫兼照磨

許維則書丹

奉直大夫僉陝西漢中道肅政廉訪司事史燧篆額

右碑王思廉記許維則書史燧篆額維則燧事蹟無

攷案史天澤兄弟諸孫皆以火旁字命名燧當是其

後制詞闕復撰見元文類

碑陰

上截題名二十一行下截題名  
二十六行行字石等並正書

真定路儒學錄焦悅 真定路儒學正韓大明 將仕  
佐郎真定路儒學教授李之綱 將仕佐郎真定路總  
管府提控案牘兼照磨高繼祖 從仕郎真定路總管  
府知事趙兼善 承務郎真定路總管府經歷趙珪  
承直郎真定路總管府推官韓彬 承直郎真定路總  
管府推官姬貞 承德郎真定路總管府判官羅里  
朝散大夫真定路總管府治中賈徵 中順大夫同知  
真定路總管府事怯列 亞中大夫真定路總管兼府  
尹本路諸軍與魯總管管內勸農事馬思忽 太中大  
夫真定路總管府達魯花赤兼本路諸軍與魯總管府  
達魯花赤管勾勸農事宇入失 承務郎燕南河北道

肅政廉訪司知事張鵬霄 承德郎燕南河北道肅政  
廉訪司經歷韓居仁 奉訓大夫僉燕南河北道肅政  
廉訪司事董同昇 朝列大夫僉燕南河北道肅政廉  
訪司事荅立麻 朝散大夫僉燕南河北道肅政廉訪  
司事孟遵 承事郎僉燕南河北道肅政廉訪司事那  
懷赤 奉議大夫燕南河北道肅政廉訪副使禿忽魯  
朝列大夫燕南河北道肅政廉訪副使睦忙古台  
中順大夫燕南河北道肅政廉訪使不花

右上  
截

譯史 張也先

通事 脫脫

司史 趙元佐 趙琚 趙好□ 路思齊 郭福

馬祥 馬麟 王世傑 田守忠 胡祐 賈庭芝

陳珪 劉恭祖 劉頤祖 蘇友 劉國傑 耿

肅 王克讓 王良 樂溫 王世傑 朱郁 米

敬 張慶 段瑞 周貞吉

直學 翟居仁

司書 劉士舉

進義校尉真定錄事司達魯花赤兼管諸軍奧魯禿古  
赤 從仕郎真定錄事司錄事兼管本司諸軍奧魯孟  
士謙 承務郎真定縣達魯花赤兼管諸軍奧魯勸農  
事沙班 承務郎真定縣尹兼管本縣諸軍奧魯勸農



事田澤 進義校尉真定縣主簿姚克讓

譯史 師溥淵普化

通事 賸思丁

掌書

徐介 劉珪 資秀 皇甫琮 高信 李守仁

王公弼 景元利 陳直內 蕭義 栗思恭 衛

良佐 蘇元礼

奏差

崔得中 司汝楫 張亥煥 杜從義 張庸

典史

王郁 陳德昭 石匠李聚劉堅曹福等刊

右碑陰左讀上截左方爲肅政廉訪司屬凡燕南河北道肅政廉訪使一人副使二人僉事四人經歷一人知事一人案百官志廉訪司所屬尚有照磨一員此碑知事右空一行無照磨銜名因碑係照磨許維則所書記後已列銜名此不復贅也又廉訪司例置二員此僅一員不花等事蹟無攷禿忽魯元史有傳成宗時樞密副使與此無涉答立麻元史有答里麻高昌人官至陝西行臺中丞傳稱其至治二年以河東道廉訪副使改燕南道廉訪副使到官平行唐獄有善政案立里二字聲音相近元人名多互用然此碑建於延祐二年在答里麻爲副使之前且傳亦不

言其先爲燕南道廉訪僉事亦似別是一人右方爲  
總管府官屬總管府達魯花赤孛八失等其事蹟並  
無攷總管兼府尹馬思忽元史河渠志滹沱河篇延  
祐七年十一月眞定路言有云延祐二年本路前總  
管馬思忽嘗開治河已復湮塞選舉志仁宗延祐四  
年大興府尹馬思忽重修宣聖廟殿門堂廡建東西  
兩齋又至順二年孛術魯朶眞定加葺宣聖廟碑有  
云先是府尹馬斯虎已基未構而去卽是人也又同  
知怯烈與元史有傳之怯烈當是兩人又明宗紀天  
國二年四月乙巳監察御史劾罷嶺北行省諸臣內  
有郎中羅里市井小人未知卽此判官羅里否其列

銜散階有曰從仕郎百官志作從事郎此與延祐四年眞定府增修廟學記碑陰同元典章亦作從仕可證史志之誤下列題名廉訪司屬吏有掌書十三人掌書當卽書吏百官志肅政廉訪司有書吏十六人此少三人餘並與志符

靈壽縣學追崇聖號碑

碑高五尺廣二尺十一行行十七字正書  
篆額大德十一年七月今在靈壽縣學

追崇聖號碑

聖旨不錄

右碑未詳立石年月案追崇聖號碑因有詔書其立石年月及官吏士民銜名皆刻於碑陰所以示敬也

蓋元代追崇聖號碑未有碑陰無題名者大都爲拓工所遺耳又晉州藁城加封孔子詔書碑碑陰並失拓以類相從附於此碑之後

晉州學加封孔子詔書碑

碑高三尺四寸五分廣二尺三寸十一行行十字行書大德十一年九月今在晉州學宮

詔書不錄

藁城縣學加封孔子詔書碑

碑高五尺八寸五分廣二尺三寸十一行行二十字正書篆額大德十一年七月今在藁城縣學宮

加封詔書

詔書不錄

開化寺聖旨碑

碑高七尺八寸廣三尺四寸五分上截刻篆古字二  
十四行下截刻聖旨二十六行行字不等正書額失  
拓有陰延祐元年四月十五  
日立今在元氏縣開化寺

聖旨不錄

右碑無立石年月旨當降於仁宗延祐元年歲次甲  
寅故曰虎兒年月潤歹太宗名史作窩潤台完者篤  
成宗廟號史作完澤篤譯音有輕重惟取相近者用  
之無一定之字也

碑陰

前題名二行分兩列中間爲見知事及大衆等題名  
共八列後銜名並年月八行爲一列下爲商稅務石  
匠等題名兩列額題開化寺三字  
並正書延祐二年九月初九日

宣授奉議大夫大司農承蘇楨 宣授武略將軍金牌

千戶柳政

右第一列

古燕蒙古譯史楊德懋書陽 槐陽楊嘉會書 在城

趙顯 管軍百戶在城西街李伯祐

右第二列

僧名不錄

將仕郎大理金齒等處宣慰使司都元帥府都事李友

直 真定路元氏縣典史范郁 司吏賈克仁 王守

忠 刘從政 齊日新 進義副尉真定路元氏縣尉

陳伯顏察兒 于居仁 劉吉善 敦武校尉真定路

元氏縣主簿裴璣 承務郎真定路元氏縣尹蕭管諸

年與魯勸農事董天爵 忠顯校尉真芝路元氏縣達  
魯花亦兼管本縣諸軍與魯勸農事牧民 光教雄辯  
大師提點講主惠文 寺主普宣等立石  
延祐二年九月初九日

右第一列

商稅務

提領曾元正 大使李德義 副使商汝厲 攢典  
李德懋

順德寺路鐵冶提舉司提領岳仲賢 岳聚

右第二列

匠名不錄



右碑陰銜名分三段前一段下列題古燕蒙古譯史  
楊德懋書陽又有槐陽楊嘉會書據此知碑陰乃嘉  
會所書碑陽聖旨則德懋所書也百官志諸路總管  
府有譯史一人德懋當卽眞定路總管府之譯史又  
有管軍百戶李伯祐此與董忠烈公家傳碑所載之  
史天澤親將李伯祐是兩人中間題名列銜有將仕  
郎大理金齒等處宣慰使司都元帥府都事李友直  
友直名見至正三年重修佛堂院記碑陰元史百官  
志大理金齒等處宣慰使司都元帥府秩從二品有  
都事二員案地理志大理金齒等處宣慰使司都元  
帥府置大理路隸雲南諸處行中書省第二列爲齒

稅務官吏四人末一行題順德等路鐵冶提舉司提  
領元史百官志不載是職食貨志歲課篇產鐵之所  
在腹裏曰河東順德檀景濟南在順德等處者至元  
三十一年撥治戶六千煽焉大德元年設都提舉司  
掌之其後亦廢置不常至延祐六年始罷兩提舉司  
併爲順德廣平彰德等處提舉司所隸之治六碑立  
於延祐二年其時兩提舉猶未併而爲一史蓋因其  
廢置不常故爾從略其說見百官志戶部所管檀景  
等處採金鐵冶都提舉司條下

真定府增修廟學記

碑高六尺四寸廣三尺一寸五分二十一行行四十  
三字正書額失拓有陰延祐四年五月立今在正定

府學

真定府增修廟學記

翰林學士承旨資善大夫致仕王思廉撰

榮祿大夫大司徒張珪書

昭文館大學士銀青榮祿大夫中書右丞致仕尚文

題額

延祐丙辰夏郡文學蘇夢麟學正韓大明學錄焦輓合  
辭謂予曰恒府廟學建置之始無從稽考其遷金粟岡  
也則有宋龍圖閣學士知府事吳中復熙寧三年律詩  
禮部侍郎陸仙元祐元年記重修則有金常山周先生  
昂明昌三年記

國朝己未歲踵修之則有遺山元先生好問記邇來五  
紀有奇矣至元辛未夏總管烏碯嘗茸講授之堂結課  
之室則有東原崔廸記四十五年于今矣上雨旁風踈  
弊已甚憲司諸公倡議完復總府長貳同心贊成不憚  
改作殿基舊卑下崇以三尺棟楹椳櫨氣燄麗戶易腐  
敗以堅率三之二漫漶者鮮之東西廡講堂各益兩楹  
用廣狹隘故者因而新之華麗固壯殆類初構一洗前  
日之陋稱侯邦泮宮之制七十子二十四大儒昔圖於  
壁剝落幾半繪以縑素為不朽計宋九儒 本朝  
許魯齋附焉祭祀陶器加四百餘事邇九十刻六十纂  
布九十此又餘力所及也其貲蓋憲司總府州縣官吏

俸金富室巨族見義勇為者之所助不強取也賦功正  
月口于五月其勤亦至矣夢麟等承乏教職目擊盛事  
不有旌紀恐長上嘉績將遂湮沒而無聞焉矧先世營  
繕例有碑刻以謹歲月樂石已具敢屬筆於子予起身  
諸生不容以綿薄辭且一舉而有宜書者三詎可緘嘿  
方今聖天子在上更張政藝設科取士

銳意復古而諸公以廟學風化之所由興人材之所從  
出承流順美知所先後一宜書也郡直南北大遠饒  
運往來略無虛日人民繁夥甲於河朔牒訴倥偬疲於  
剖決於斯時也不半歲卒此大役非才刀恢恢遇盤錯  
易於破竹而能之乎二宜書也彼為身謀者曰簿書期

會乃吾責也。違恤其他安苟且者曰：三載之頃，吾及瓜矣。何急於是？天下之務，日趨於壞，職此之由。而諸公不為身謀，不安苟且，奉公如私，以勵偷墮。三宜書也。有三宜書而不為之發揮，則諸公固無負於吾徒，而吾徒實有負於諸公也。於是述其本末，用告來哲。五月，日記教授蘇夢麟學正韓大明學錄焦悅同立石。古恒甄士洪摸。

右碑王思廉撰，張珪書。尚文題額。珪字公端，園範子。山管軍萬戶，仕至中書省平章政事、翰林學士承旨。知制誥兼修國史，知經筵事。封蔡國公。事蹟具元史。本傳文字。周卿世為祁州深澤人，後徙保定，仕至銀

青榮祿大夫昭文館大學士中書右丞丐還田里延  
祐六年拜太子詹事泰定三年以中書平章政事致  
仕明年卒亦見元史本傳及元文類所載字本魯紳  
平章政事致仕尚公神道碑昭文館元史百官志不  
載惟中書省條下有成宗元貞元年又以昭文館大  
學士與中書省事云云案輟耕錄京師公宇宣政院  
後有昭文館攷昭文館起於唐中宗神龍元年因避  
孝敬諱改昭文爲昭文二年又改修文景龍二年增  
置大學士四員睿宗景雲二年復改昭文開元七年  
又改昭文蓋唐以來三大館之一也大學士皆宰臣  
兼之宋制宰相爲昭文館大學士者爲上相遼有昭

文館金匱圖文院元世祖時爲昭文館大學士耆姚  
樞以至元十年詳定禮儀使拜竇默以十一年加張  
文謙以十四年拜兼領太史院事成宗時則有不忽  
木以昭文館大學士平章軍國重事勅德進以昭文  
館大學士中奉大夫知太史院領司天臺事耶律有  
尚以昭文館大學士兼國子祭酒其在武宗則有察  
罕以太子府正加其在仁宗則有王枕以至元大德  
名臣拜見元文類事本魯瑄參知政事王公神道碑趙世延以延祐五年  
進光祿大夫昭文館大學士守大都留守又正定萬  
歲禪寺莊產碑建於至順元年撰文人姓名闕其列  
銜稱昭文館大學士是文宗時尚有此官史志爲漏



略矣焦悅韓大明見延祐二年加號孔子詔碑陰碑  
歷敘真定廟學修建事所云吳中復律詩陸佃崔迪  
等記諸碑今並佚周昂記見嘉靖真定府志元好問  
記見遺山文集惟遺山文稱丁未之五月今碑云己  
未則集本丁字當爲己字之誤

碑陰

二十九行行字不  
等正書延祐四年

延祐四年 月 日立 石匠孫和等刊

同監造府吏賈庭芝

監造無極縣達魯花赤琵琶

將仕佐郎真定總管府提控案牘兼照磨佟元復

從仕郎真定路總管府知事周亨

將仕郎真定路總管府知事范英

承務郎真定路總管府經歷趙珪

承德郎真定路總管府推官李克讓

承直郎真定路總管府推官李信

承德郎真定路總管府判官羅里

朝散大夫真定路總管府治中賈徵

中順大夫同知真定路總管事怯列

亞中大夫真定路總管兼府尹本路諸軍與魯總管管

內勸農事馬思忽

太中大夫真定路總管府達魯花赤兼本路諸軍與魯

總管府達魯花赤管內勸農事李八失

燕南河北道肅政廉訪司管勾承發架閣庫兼照磨許維則

承務郎燕南河北道肅政廉訪司知事張鵬霄

將仕佐郎燕南河北道肅政廉訪司經歷□質

承德郎燕南河北道肅政廉訪司經歷韓居仁

奉訓大夫僉燕南河北道肅政廉訪司事侯壽□

奉議大夫僉燕南河北道肅政廉訪司事萬奴

承直郎僉燕南河北道肅政廉訪司事忽都不丁

奉議大夫僉燕南河北道肅政廉訪司事李德益

奉訓大夫僉燕南河北道肅政廉訪司事董同昇

朝列大夫僉燕南河北道肅政廉訪司事荅立麻  
中順大夫燕南河北道肅政廉訪副使荅哈

奉議大夫燕南河北道肅政廉訪副使充忽魯

朝列大夫燕南河北道肅政廉訪副使睦忙古台

通議大夫燕南河北道肅政廉訪使弭

中順大夫燕南河北道肅政廉訪使不花

右碑陰題名左讀左方為廉訪司官屬右方為總管

府屬又有監造無極縣達魯花赤兀琵琶見延祐

元年無極重修縣廨廳壁記同監造府吏賈庭之見

延祐二年加號孔子詔書碑陰蓋總管府司吏也又

廉使不花副使睦忙古台充忽魯僉事荅立麻董同

昇經歷韓居仁知事張暉霄總管府達魯花赤字八  
失總管兼府尹馬思忽同知怯烈治中賈徵推官羅  
里經歷趙珪皆見延祐二年詔書碑陰錄並無攷案  
元史百官志肅政廉訪司每道廉訪使二員副使二  
員僉事四員經歷一員知事一員照磨兼管勾一員  
此碑副使有三員僉事有六員經歷有二員與志頗  
不合疑勒碑時正值憲司諸官遷調之後并前後任  
書之故其員數浮於定額也

祝延聖主本命長生碑

碑高三尺三寸五分廣二尺一寸五分十九行行三  
十四字正書篆額延祐四年十一月立今在正定府  
城內龍興寺

聖主本命壽生祝延碑

勅賜大龍興寺祝延

聖主本命長生之碑

翰林學士承

旨資善大夫致仕王思廉撰

翰林學士承

旨榮祿大夫知

制誥蕭脩

國史

趙孟頫書并篆額

粵者

釋迦大聖說護國之元功藥師如來設本行之至願鎮  
輿坤而遏殺虐和風雨以著星辰消百恠之神符除九  
橫之妙術波斯匿王之善言義諦勇殊室利之請問慈  
心博施無窮光昭有感猶祥雲之覆庶類同慧日以照

諸天資善大夫燕南河北道肅政廉訪使執禮和台出  
自誠心恪遵彝憲格陰陽之大造沐雨露之

洪恩戴曉

北極之尊闡繹西天之教作殊勝功德開方便法門印  
造仁王護國般若波羅蜜經五十部計百卷藥師如來  
本願功德經五十卷施本寺欽為

聖主本命看轉誦讀捐一千緡之俸金會五十員之僧  
寶規子息而供飲膳取贏羨以給香燈次第相循長生  
得用草去昔時之簡略贊成今後之嚴恭增名剎之輝  
華為他方之冠冕所共祝

聖恩億萬載無疆之筭結梵席千百季不斷之緣永惟

臣子至極之情寔為歲月悠久之計告諸來哲刻此堅珉擴克報

上之端式副茲源之望

延祐四年十一月吉日住持僧佛光因教大師講經律論沙門 崇琛等立石

右碑王思廉撰趙孟頫書并篆題沙門崇琛等立石崇琛號密巖事蹟詳至正六年膳思撰佛光因教大師碑篆額作篆題碑文中創例也孟頫元史有傳史稱孟頫以延祐三年拜翰林學士承旨榮祿大夫正與碑合執禮和台囊加歹子見元史囊加歹傳趙孟頫松雪齋集有中奉大夫殊祥院使執禮和台



封贈三代制云曾祖名哈直兒贈明衛功臣太保金  
紫光祿大夫柱國仍封梁國公謚莊襄祖馬察贈忠  
宣協力功臣太傅儀同三司上柱國仍封梁國公謚  
桓武父囊加贈推忠靖難胡運功臣太師開府儀同  
三司上柱國追封浚都王謚武忠案松雪齋集之執  
禮和台其曾祖祖父名及馬察之爵謚囊加歹之追  
封王號皆與史傳同而其贈官賜謚尤足以補史傳  
之未備也

龍興寺長明燈錢記

碑高三尺八寸五分廣二尺二十一行行四十字正  
書篆額延祐五年七月立今在正定府城內大佛寺

聖主長明燈記

聖旨特賜大龍興寺長明燈錢記

本寺下生院圓音雄辯大師講經沙門 永恩書并

篆額

夫日舒則夜卷月生則陰滅燈之破暗猶慧之銷障是以虔躬灯王克誠觀音之尊致乃續明遂受定光之號茅照經緣廼獲身死之輝燭施微因爰果眼根之淨况乃振此大智開彼勝光者哉茲延祐四年二月初五日有昭文館大學士資德大夫功德使司使阿剌不花欽奉

聖旨該於閏正月初十日拜住怯薛弟一日

嘉禧殿內有時分對速古兒赤脫歡尚書黑閭火兒赤

站班司徒舍兒伯赤脫因院使特奉

聖旨阿刺不花真定府龍興寺裏看念藏經去者更問  
省家要壹伯錠中統鈔龍興寺裏分付常住存本用息  
點長明燈者麼道欽此當寺住持講主崇琛除欽遵外  
將上項鈔領受付庫存本運息煖灯於觀音閣下大悲  
菩薩像前安置供養外竊惟金鑑曾托於古寺獲天眼  
之頓開蘭膏徧藝於通衢表慧光之常照使燈籠內法  
輪恒轉演金光明經令露柱上如來出興見寶焰聚佛  
若論此燈最遵最貴出自九重禁闕親從萬壽宮來雨  
風晦而此燈常明日月尚虧此燈恒在相傳無盡點處  
遠知梵剎煌煌精藍耿耿曉似紅蓮開沼面夜如寒月

鎮潭心鳩此殊勲□□景福欽願

皇帝

皇太后陛下

聖德日新多能天縱保羅圖之有永祝

聖壽以無疆金輪到而萬國來朝玉燭明而四時和順  
后妃聖眷共瞻 天日之光

太子親王均享松椿之筭樹祥允介灾厲不生普令率  
土之民共樂熙臺之化龍集戊午以記其時

延祐五年七月 日寺主僧智恩等 建

聖旨住持龍興寺佛光國教大師講經律論沙門 密

鼎 立石 鹿泉石匠 孫和鏞

右碑沙門永恩書并篆額沙門密崑立石碑無撰文  
人名疑卽密崑所撰永恩見大德五年重修大覺六  
師殿記碑陰功德使司使元時屢置屢罷世祖本紀  
至元十七年三月立都功德使司從二品掌奏帝師  
所統僧人并吐番軍民等事成宗紀至元三十一年  
六月庚寅詔罷功德使司及衆府司官冗員張珪傳  
泰定元年六月因災異應詔上議有云以至元三十  
年言之醮祠佛事之目止百有二大德七年再立功  
德使司積五百有餘又武宗本紀至大四年改延慶  
司爲都功德使司仁宗本紀延祐四年置延慶司設  
官四員

又元年陞延慶寺秩正二品疑別是一官

據此則功德使司自成

宗再置之後又經裁罷延祐中之功德使司疑卽至  
大間以延慶司改置者何刺不花無攷拜住怯薛卽  
丞相安童孫右丞相東平忠獻王拜住也元史有傳  
拜住爲木華黎之裔世長怯薛爲四怯薛之一拜住  
傳英宗卽位拜中書平章政事宰相年表延祐三年  
六月拜住拜平章政事四年五月罷與本傳不合此  
碑敘延祐四年閏正月事拜住稱怯薛而不稱平章  
則表誤而傳不誤嘉禧殿輟耕錄載宮闕制度有毒  
昌殿又曰東煖殿在光天寢殿東三間前後軒重簷  
嘉禧殿又曰西煖殿在寢殿西制度如壽昌中供佛  
像傍設御榻元史兵志怯薛執事之名主弓矢鷹隼

之事者曰火兒赤昔寶赤怯憐赤掌內府尚供衣服者曰速古兒赤又舍兒伯赤當卽舍兒別赤脫歡荅刺罕哈刺哈孫子見元史哈刺哈孫傳又仁宗本紀三年正月乙巳持授昔寶赤八刺合孫達魯花赤脫歡金紫光祿大夫太尉仍結印哈刺哈孫傳不載脫歡曾授太尉似非一人仁宗本紀延祐七年有江浙行省丞相黑驢又宰相年表延祐七年平章政事內有赫驢三月至四月英宗本紀延祐七年二月壬午以江浙行省左丞相黑驢爲中書平章政事五月戊辰以謀廢立誅碑稱尚書黑圖疑卽此人

追崇聖號碑

碑高五尺四寸廣二尺四寸九行行二十二字正  
書篆額有陰延祐六年四月立今在元氏縣學  
前

追崇聖號之碑

聖旨不錄

碑陰  
題名三列第一列十七行左  
行二列十八行三列一行

元氏縣

追崇聖號之碑

真定路中山府學學正王曰朴書丹 鄉貢進士王

志寶 篆額

尉司吏王 貞

司吏宋良 王珪 靳榮祖 馮壽 李師顏



陰陽教諭董

醫學教諭吳方辰

商稅務副使胡繼宗

大使成潤

提領劉良

儒學教諭蘇仲仁

典史謝伯益

真定路元氏縣尉李浩

將仕郎真定路元氏縣主簿謝友諒

承務郎真定路元氏縣尹兼管本縣諸軍與營勸農

事康智

忠顯校尉真芝路元氏縣達魯花赤兼管本縣諸軍  
與魯勸農事忻都

右第  
一列

典吏以下人名不錄

皆大元延祐六年歲次己未己巳月戊子日 本郡

石匠作頭 胡貴昌 李順 馬盛 刊

加號孔子詔書碑

碑高四尺三寸廣二尺五分十行行二十字額題皇  
帝詔書四字並正書有陰延祐六年九月立今在贊  
皇縣學

詔書不錄

碑陰

凡十一行  
字不等正書

董工 李良 王傑 石匠 陳顯 劉喜

儒學教諭郭希說

司吏 王從柔 □從政 韓鼎臣 李冕 張彬

典史牛文障

真定路贊皇縣尉潘別枯木兒

將仕郎真定路贊皇縣主簿張端本

承事郎真定路贊皇縣尹兼管本縣諸軍與魯勸農事

賈原

忠胡校尉真定路贊皇縣達魯花赤兼管本縣諸軍與

魯勸農事阿刺瓦丁

大元延祐六年歲次己未九月甲口吉日立

前甘肅行中書省參議左右司令史張彬書并題額

儒人趙思義鐫

右碑及陰張彬書并題額彬無攷至正十九年大德  
五年元氏重修廟學記碑陰皆有張彬其人爲鄉貢  
進士與此無涉元史百官志行中書省掾史蒙古必  
閣赤回回令史通事知印宣使各省設員有差案中  
書省有左右司郎中二員員外郎二員中統元年置  
左右司至元十五年分置兩司左司掌禮房除房雜  
房糧房應辦房之科右司掌兵房刑房之科兩司各  
置令史二人行省亦然故彬列銜爲左右司令史又

元史泰定紀三年十一月壬子御史賈厚請祔武宗  
皇后于太廟不報當卽此之縣尹賈厚也

鄭溫神道碑

殘碑高八尺二寸廣三尺六寸存二十八行行存  
五十二字正書篆額至治三年立今在靈壽縣

大元功臣平章鄭公神道碑銘

元贈推忠宣力功臣榮祿大夫中書平章政事國趙  
國鄭武毅公神道碑

集賢直學口奉政大夫口子祭酒鄧口原譔并書

前中書左丞集賢大學口榮祿大夫口口太子詹

事加授太子賓客清苑郭貫篆口

公姓鄭氏諱溫真定靈壽人世次遷徙莫述其所始大

父諱普□諱守德字輔之富

聖元啓運收名髮傷得辟除帥府經歷年四十有四卒

公早孤母夫人趙氏遺從師問學既冠趣尚不羣誓從

顏行以□□□奮會□□下于南土中書粘罕公任江

淮安撫使道行唐公上謁粘罕公典語大奇之留置麾下

每野戰攻城必偕由是躬甲冑冒矢石者凡□下署

合必赤干夫長開府萬戶史忠武公尤喜對傑士稔公

名軍與得簡拔其部佐甲寅歲籍新軍用公為都□撫

合州踞蜀阨塞

憲宗親征釣魚山宋將王堅城守不下公鏖戰日數十

合因賜名也可拔都兒蓋土之仇健絕羣者譯語云忠

武公拜經略使以

王命調戍卒邏敵境仍署公漢軍都總管降金符戎軍  
中悉從公節度粵七年建元中統又明年公真拜聖書  
佩元降金符引兵

下缺

李壇反山東

世祖大興師討之公在行過靈壽弗入其家疾馳至濟  
南□被圍數□急夜突入公營公追擊斬首虜五十五  
級

親王合必

下缺

董東兵奇公驍果賜白金百五

十兩及酒具等□敗益都□

上復賜白金如前數至元二年擢真定彰德衛輝本翼  
侍衛親軍總佩金符如故又□□□懷遠大將軍右衛  
親軍副都指揮使

下缺

車駕幸上京命除道前勞嶺公夷高壑深車得方軌大  
見嘉賞尋統軍□人與欣都□忽取耽羅耽羅遂將海  
中舟驅騰馳奄薄□下颶風暴作雨晝夜抵絕島篙師  
莫知所為犁旦視之則明越境也時江南猶未款附師  
無撓敗上功最擢右翼親軍都指揮下日著諸將志惟  
公有緩急可大用阿里海牙任資德大夫中書右丞同  
忠武公行荆湖等路樞密院尋拜平章政事攻岳鄂江  
下皆下之公率精兵萬人馬二萬匹從攻靜江靜江地  
控嶺海其民□勢難馴公搏戰六日血流道經略馬暨  
寺敗屠之班師下缺五十人白金五百兩將校賞賚有差  
入 覲除昭勇大將軍樞密院判是歲冬



帝駐蹕上京慮緣山岫庶易動以訛將以公領士卒鎮

遏其處公辭曰師行繹騷民益訥懼蓋若專使諭之迺

安隨可其奏

下

八年拜輔國上將軍叅知政事行江淮

中書省事揚州為省理所會用師日本公智器械糧餉

于吳川航陸輓軍興

下

官士流德之方之古詩書元

帥江南歲酒粟數百萬石寶

京師凡用舟若干艘

公至淮揚榆村

下

其工費浩繁議

下

不可白之

書卒從其請事以完集民不告病省遷于杭

下

里伯卒毗陵道上夫人泣

下

請曰吾夫職司泉

下

不虞奈何公遣百夫長二人各帥其

下

護櫬歸墓下

下

公之侍僚友薦生死若此事聞

上喜曰是誠老而練於事者杭歲侵公不伺報族廩以  
振餓者為石二十萬有奇制詔趣治公以其子銓

侍會

下徒撒里蠻曰

上適詰公安在其亟入

見既又問卿年幾何

人曰曰臣馬哀邁七十有一長子欽親軍檢

管

下缺仕敢昧死以請時

成宗居東宮遂給宿衛遷淮揚進秩資善大夫江淞

中書省

安安安安安安治

下為輦

右神道碑銘鄧文原撰并書郭賈篆額碑文殘不識

建於何年今攷元史列傳鄧文原兼國子祭酒在至

治三年尋於泰定元年兼經筵講官而列銜不書郭

賈起復爲集賢大學士在至治元年未幾致仕此碑  
建於賈致仕之後文原兼講官之前其爲至治三年  
無疑也本傳不載贈官謚號及其祖父名續文獻通  
攷謚法門載溫謚武毅當本此碑碑云中書粘罕公  
任江淮安撫使道行唐公上謁與語大奇之留置麾  
下署合必赤千夫長粘罕公卽粘合南合見溫本傳  
合必赤千夫長傳作合必赤千戶南合粘合重山之  
子見重山傳碑又云開府萬戶史忠武公稔公名甲  
寅緒新軍用公爲都鎮撫合州昭蜀阨塞憲宗親征  
釣魚山宋將王堅城守不下公鏖戰數日因賜名也  
可拔都兒案史忠武公爲史天澤甲寅緒新軍見憲

宗紀方輿勝覽合州釣魚山在石照縣東十里涪內  
水在其南西溪上流經其北憲宗本紀八年帝自將  
伐宋由西蜀以入遣宋人晉國寶招諭守將王堅辭  
之九年攻合州帝悉率諸軍戰城下屢攻不克王堅  
宋史無傳其守合州事見理宗本紀蓋開慶元年事  
也拔都兒或作拔都魯或作霸圖魯並同又蒙古語  
大爲也可元史食貨志歲賜篇有也可太傳也可怯  
薛職官志有也可札忽魯赤皆取第一義輟耕錄云  
漢人賜名八都者惟史忠武王與太師張獻武國範  
及眞定新軍萬戶張興祖據此溫亦漢人賜名拔都  
陶氏所云殆不然矣碑又有忠武公拜經略使以王

命調戍卒邏敵境仍署公漢軍都總管降金符云云  
案百官志都總管府秩高三品或四品卑者五品六  
品又諸路萬戶府萬戶俱虎符副萬戶俱金牌又兵  
志行省萬戶千戶百戶分上中下萬戶佩金虎符符  
頭如伏虎形首爲明珠有三珠二珠一珠之別千戶  
金符百戶銀符碑又云車駕幸上京命除道崩崩嶺  
公夷高塹深車得方軌大見嘉賞尋統軍□人與欣  
都□忽取耽羅遂將海中舟艦馳奄薄其□□云云  
案地理志上都路元初爲札刺兒部兀魯郡王營幕  
地中統元年爲開平府五年加號上都歲一幸焉明  
宣鎮志上都城今鎮城東北七百里又金史地理志

柔遠縣有查刺嶺案柔遠與開平接壤爲赴上都必經之地則窮勞嶺當卽查刺嶺耽羅見元史外國傳世祖紀至元十年正月命忻都鄭溫洪茶邱征耽羅六月兵至撫定其地正與碑合碑又云省遷于杭平章政事張阿里伯道卒毗陵夫人泣請曰吾夫職司泉口盜出不虞奈何公遣百夫長二人各帥其口護輓歸葬下邳云云案地理志江淞等處行中書省至元二十一年自杭州遷江淮行省來治於杭改曰江浙行省張阿里伯當卽張惠宰相表有張阿亦伯至元十九年拜中書左丞世祖紀但載是年十二月以中書左丞張文謙爲樞密副使未見有名阿亦伯者

又十七年以江淮行省平章事阿里伯左丞燕鐵木兒擅易命官八百員自分左右司鑄銅印勅誅之

又見

阿合馬傳

事蹟與此不合攷張惠傳惠字廷傑成都新繁

人侍世祖藩邸賜名兀魯忽訥特至元二年遷參知政事會改制國用司用爲尚書省拜參知政事遷中書左丞進右丞伯顏伐宋詔惠主饋餉凡江淮錢穀皆領之十二年宋平伯顏以宋主北歸俾惠居守惠不待命輒啟府庫封鑰伯顏以聞徵還京師二十年拜榮祿大夫平章政事行省揚州二十二年入朝復命以平章政事行省杭州至無錫卒案惠官平章政事與碑正同二十二年至無錫卒故碑云卒毘陵道

上始領江南錢穀繼案閱府庫故碑有職司泉口云云也又世祖紀至元十九年張惠阿里罷是卽惠居守杭州政府封鑰徵還京師也二十年三月命兀奴忽魯帶往揚州錄囚是卽惠拜榮祿大夫平章政事行省揚州也蓋惠本漢人旣賜名兀魯忽訥特後又從色目名張阿里伯元史列傳中諸臣一人前後賜二名者頗有如劉哈剌八都魯初名哈剌幹脫赤之類世祖紀十九年作張惠阿里二十年又因譯音相近轉作兀奴忽魯帶其實一人而已又惠傳成都新繁人碑云歸葬下邳似屬歧異然元代貴官多賜職田或其祖居新繁而賜田適在下邳遂卜葬徐州不復遠歸西蜀如焦德裕本雄州人以平眞



定功賜井陘北障城田今其墓卽在井陘亦一證也  
溫本傳子欽利用監丞釭樵茶都運使銓右衛千戶  
鏞袁州路判官而碑云欽官親軍總管當是先爲親  
軍總管後爲利用監丞銓宿衛成邸兄蘇天爵所撰  
千戶鄭君神道碑則碑所云成宗居東宮遂給宿衛  
謂其次子銓也撒里蠻元史無傳徒字上當是司字  
世祖紀至元二十五年二月庚申司徒撒里蠻等進  
讀祖宗實錄蓋卽其人碑自敘銓歷官江浙中書省  
云云以下全缺靈壽志載溫以至元二十五年請老  
自江南以版圖來上川谷之民猶懷首鼠上復思公  
撫慰之固辭乃止自是安居鳩杖徜徉閭里卒於甲

午云云當是節錄此碑末段溫本傳云卒於至元二十八年年八十有一案甲午爲世祖三十一年世祖紀二十二年二月己巳駐蹕柳林溫於是年人覲自陳年七十有一是年歲次乙酉則卒於甲午當年八十傳誤

趙文正公興學詩石刻

石高一尺七寸五分廣一尺七寸五分十一行行字不等行書至治三年閏五月望日立今在贊皇縣學吾道汨元氣渾淪天地間聖人不復作三代何由還皇元奕葉光東壁奎星殷趙侯豪爽資一鳴驚塵寰建學植綱常造士晞閔顏丹衷期報國龍種輸帝閭塞予業經世小試鬚已斑日暮空徘徊白雲汚西山

予尹贊皇健羨趙文正公興學之志偶成古律書于  
廟壁以謹歲月云昔至治三年閏五月望日賈屋書

士林立石

右石刻五古一首賈屋書詩亦屋之所作屋見延祐  
六年贊皇廟學加號孔子詔書碑陰趙文正公卽趙  
良弼元史有傳其興學本末已詳贊皇縣學至元十  
四年樞密院文跋尾元張曾趙文正公祠記公事憲  
宗世祖始末三十年以遇知之深唯育賢才而助收  
用可酬萬一乃出私帑市田五千二百畝分畀各學  
使師生得給所需贊皇得田六百又爲營築學宮殿  
廡講堂靡不備具詩之所咏卽此事也此詩諸選家

皆失收

潯南先生祠記

碑高四尺五寸廣二尺三寸十三行行有二十餘字  
正書額失拓有陰泰定元年三月立今在藥墩縣城  
內縣學東祠內

潯南先生祠記

潯南王先生稟城人金朝登進士科□□□其□□

□<sub>下</sub>學卓識見之所到不苟同於衆遺言□□□□

缺<sub>下</sub>城董王趙三氏勳閥世家平居尊禮先□□□□

德久遠而愈不忘故三氏偕里□□□□之祠缺<sub>下</sub>以

致報事之誠國子助教董士廉請為□□□□古□□<sub>下</sub>缺

教雖至曲藝各有所師歲時入學必釋真□□□□□

下之文行學識垂世不朽真古之所謂□先生沒而可

下祠也固亦可見臺城風俗之厚矣非先生□□□

下然乎先生諱若虛字從之立朝侃侃有正氣仕至翰

下後十年游泰山及山之半坐大石凝然而逝時年七

下子三月丁酉翰林學士太中大夫知制誥同修

下奉訓大夫祕書少監虞集書

光祿大夫蔡國公知經筵事張珪題額

右記吳澄撰虞集書張珪題額碑下截已剝落不可

辨攷吳文正公集載此記在二十卷之末與碑正同

其以董王趙爲王董趙勲閥世家爲勲閥世家薰其

德爲董其德故三氏爲故二氏則刊本之誤也又末

行刻此下有缺文五字殊誤案澄集爲其孫當所編  
旣而刻板燬於兵火多所殘缺明宣德中其五世孫  
燿重校付梓嗣後成化萬厯年間經翻刻輾轉刊訂  
已非原書之舊書中譌脫庸或有之至此記則實止  
於此並無闕文今以燿跋攷之有云舊所缺簡徧求  
不得完本故今止將殘缺篇題列於各卷之末以俟  
補續則此五字實燿所註其意以記末時年七十句  
截然而止不繫論贊遂指爲缺文耳若虛事蹟具見  
金史文藝傳末載金亡後十年游泰山端坐而逝時  
年七十攷金亡於元太宗六年甲午順推之若虛當  
卒於六皇后乃馬真氏稱制之癸卯年下距泰定甲

子立碑之歲已八十年矣吳澄虞集張珪列衛皆與  
史傳合同修下當是國史二字訓上當是奉字

碑陰

凡三列每列二十  
行行字不等正書

忠翊校尉真定路藁城縣達魯花赤兼管諸軍與魯勸  
農事朶兒只 承直郎真定路藁城縣尹兼管諸軍與  
魯勸農事單德慎 將仕佐郎真定路藁城縣主簿狗  
兒 真定路藁城縣尉王顯祖 藁城縣典史潘景德  
司吏韓守祺 張濟 也先不花 曹謙亨 李溫  
李鼎 藁城縣儒學教諭張世傑 翰林學士承旨  
董公男士英 元帥王公曾孫 燮 翰林國史院編

修官登仕郎董士廉

進義校尉

武昌管民提舉趙庸

中 奉議大夫吉州知州董守禮

奉議大夫許州知

州劉泰初

澠東海右道廉訪司經歷劉守謙

從事

郎武備寺照磨張希聖

前臺城縣達魯火赤楊明安

荅兒

前臺城縣尹臧惟德

前臺城縣尹游瑜

唐

山縣尹馬誠

右第一列

修武縣尹馬從敏

新城縣尹張惟誠

平陽縣尹馬

允 密縣尹田濟

仁德路判官甄士英

般陽錄事

田園

蘇州錄判趙德中

孟津縣尉崔賁

前衛親

軍千戶所達魯花赤伯顏察兒

前衛親軍百戶王榮



祖 宣德織染局大使田符節 汝南管民總管府知  
事周鐸 大使趙瑄 提領崔琛 真定路儒學錄  
瑋 儒生路易復 張思問 王俊民 侯榮 儒學  
教諭 敬 絲吏李士敏 王 敬祖

右第  
二列

田 教 李 吳良威 耆老李溫 張傑  
王 靳 左平 何崇 蔣 石 李珪

右第  
三列

崔 田進 劉源 路義 張惟 焦

外曾孫趙蓬 瑞 下

外園孫趙公義 美

唐山縣石匠孫溫刊

右碑陰銜名有忠翊真定路藁城縣達魯花赤兼管  
諸軍奧魯勸農事朶兒只攷元史列傳有朶兒只爲  
木華黎六世孫脫脫子襲羅台國王至正中拜右丞  
相元代蒙古色目人同名者最多此當別是一人又  
有翰林學士承旨董公勇士英元帥王公會孫燮翰  
林國史院編修官登仕郎董士廉武昌管民提舉趙  
庸中奉議大夫吉州知州董守禮攷元史董文用傳  
至元二十五年遷翰林學士承旨子八人士英次第  
四士廉次第七又正定藁城二志俱載士廉爲國子  
師碑文云國子功教此列銜作翰林國史院編修攷

元制國子原隸集賢集賢與翰林國史院又同一官  
署疑士廉以翰林國史院編修官兼領助教如典文  
署署令以翰林修撰兼署丞以翰林應奉兼之類元  
帥王公係王善趙庸中當是趙迪之裔百官志中政  
院管民提舉凡四司每司設提舉一員董守禮知吉  
州在延祐中見豪城志

加號大成詔書碑

碑高八尺七寸廣三尺九寸十行行二十十字正書  
篆額失拓有陰奉定元年十月立今在獲鹿縣學  
詔書不錄

碑陰

上截間復記二十一行行三十四字中截聯思記二  
十行行八字下截官吏銜名二十一行行字不等並

行書

大德丁未秋近臣傳

自議加

至聖文宣王封號臣復承乏翰林獲預其議竊謂自古  
稱夫子者多矣而莫如孟子孟子曰自有生民以來未  
有孔子也又曰伯夷聖之清者也伊尹聖之任者也柳  
下惠聖之和者也孔子聖之時者也孔子之謂集大成  
集大成也者金聲而玉振之也蓋言孔子集三聖之事  
為一大成之事猶作樂者集衆音之小成而為一大成  
也宜加號奏

可璽書錫命臣復職當具草既已頒示天下矣迹者江

南浙西道僉肅政廉訪事吳舉建言褒封先聖實當今  
盛典若不騰芳琬琰曷以昭示罔極於是省臺檄下諸  
路勒石廟學噫自木鐸聲沉千八百季有國家者追崇  
聖號非一至唐園宗始進爵為文宣王宋真宗加至  
聖二字是皆議出一時雖□徽美之稱孰若我朝取孟  
子之言為準以聖譽聖之深切著明也凡在郡邑長吏  
祇若

朝廷尊師重道之意謹庠序之教申之以孝弟忠信興  
化善□為務豈不□與至大三年歲次庚戌夏六月丁  
未朔翰林學士承旨榮祿大夫知制誥兼修國史遙  
授平章政事聞復謹述

中書左丞集賢大學士榮祿大夫太子詹事加授太子  
賓客郭質篆額 儒林郎監察御史陳觀書丹

石上  
截

大德十一年

成宗皇帝加封聖號詔示天下所在廟庭想皆刻石獲  
鹿縣以事力未集久闕是興至治癸亥巡行御史明安  
君道及陳君尚賓恩此謁廟而詢訪焉教諭張師哲以  
樂石已具而未過名筆因與縣官同請華翰陳君慨然  
□□書丹又得翰長西野郭公篆其額可謂盛矣時  
其時其有待也五月長至日真定縣恩識 逸人趙  
開書

右中  
載

缺上張德欽 張元 □米益 缺

缺上楊思政 張師賢 孟□□ □□□ □□益

缺上張居仁 蘇德輝 程守□ □思□ □□□

張忠明 張忠行 楊□□ □德昭 □善

耆老 張僖 王行 劉伯達兒 楊符 周權

監造司吏楊□□ 石匠□□□ 侯□

缺上康榮祖 □□□ □□□

缺上思陶 侯□□ □□□

劉克忠 司馬□ 缺

貼書

承發司典吏楊國□

□□□ 孫居敬 倉官李思應 書□王□

許思□ 石庭珪 趙 義

靳榮祖 房□□ □□書 胡容

真之路獲鹿縣儒學教諭張師哲

真之路獲鹿縣印典史

下缺

真之路獲鹿縣典史□□□

真之路獲鹿縣尉

將仕佐郎真之路獲鹿縣主簿□

下缺

承事郎真之路獲鹿縣尹兼管本縣諸軍與營勸農事

下缺



承務郎真芝路獲鹿縣達魯花赤兼管本縣諸軍奧魯  
勅農事沙阿不丁

泰定改元十月吉日立

右下

截

右碑陳觀書丹郭賢篆額碑陰上截間復記陳觀書  
中截隱思記趙開書下截官吏題名當卽開所書也  
陳觀元史無傳元文類有陳觀題甄氏訪山亭詩二  
首則觀亦當時以文翰知名者贈思記有云至治癸  
亥巡行御史明安君道及陳君尚賓歷此謁廟詢訪  
加封聖號詔書碑教諭張師哲因與縣官同請華翰  
陳君慨然書丹據此知尚賓卽陳觀字明安君道元

史無傳元史有明安官至定遠大將軍貴赤親軍都  
指揮使司達魯花赤大德七年征海都戰歿與此無  
涉趙開無攷

常山貞石志卷十九

常山貞石志卷二十

詔授朝議大夫直隸正定府知府今調廣平府知府前署大順廣兵備道沈濤撰

元六

加號孔子詔書碑

碑高五尺五寸廣二尺一寸十行行字不等額題大元加號四字並正書有陰泰定二年閏正月二十日立今在井陘縣學

詔書不錄

碑陰

共三十四行前二十八行官吏銜名後六行上截刻記下截題名四行行字不等並正書

見任官員

□事郎廣平路威州井陘縣尹兼諸軍奧魯勸農事

張友直題額書丹 儒學教諭廣平鄉貢進士任秉

直立石 監造司吏耿仲英

登仕郎廣平路威州井陘縣主簿李居直 司吏康

進忠 耿仲榮 鄭天秩 王守政 尉吏馬輔

前司吏高玘 崔弼 龐天瑞 程子約 口長張

思溫 書工口阿

廣平路威州井陘縣尉朱恩舉 承發典吏王舉華

帖書韓亨 王口張從政 黃銳 馬裕 張信

真田天澤 馬絕 霍仲霄 杜誼 趙欽祖 楊

文整 白居易 花誠信 封世賢 杜克福 趙

君勉 高處義 曹顯祖

廣平路成州井陘縣典史周國器 祇應頭目杜好

古 □□□□裔□□田贊 陰陽管勾高仕元

面前 郭德 阜義 張德 楊旺 坊正趙贊

韓□□局長□安 賈□

站官將仕郎井陘驛令孫□ 提領椿成 魏彥琮

稅務官大使蔡榮祖 副使□□ 尉司典史高

□ □□□□王立 王榮 劉順 田太 武

□ 王全 邵成 梅聞 坊正周成 郭興

前官井陘縣達魯花赤塔木丁 典史魏思忠 生

貢前舉縣直學王士行 王德 安處善 趙克讓

范思恭 李希本 芥□ 陳政 喬昂 王居

義 張洛民 刘文敬

□官中奉大夫行中書省□知政事賈□ 馬□蒙

□□ 任正 李景勉 齊宗□ □居端 馮

敬 張喆 喬□ 呂愿 許克敬 胡宗善 高

與義 江忠厚 張永 康□

武略將軍上均州翼千戶元壽 □發□ 康嘉

馬壽 馬□ □定 賈金□ 耿□ 王進 楊

文勉 李元管 刘守靖 高繼冲 李慧仁 孫

文敏 田誠 康□ 張思□

承直郎河陽府推官李良弼 前站官 孫從道

馬天驥 王仔 韓英 王德 高用

承務郎前松山縣尹曹瑞 耆老 月堂叟 程崑

都口 刘提點 完者禿 霍昇 高翼 康榮

蘭榮顯 任典 鄭松古歹 馬良 李舜卿 宋

忠 刘口 張天澤 刘旺

昭信校尉中山府判郝口口 王安與前行月堂叟並列 楊

仲 郭義 耿元伯 高口 高天瑞 羅玉 郭

受 趙希哲 侯復 馬業 田義 趙讓 趙信

郭口 李口 口德

昭信校尉河中府判王瑞 鄭口同上 鄭道口

楊甯 鹿旺 李成 孫爵 郭仲 李福 崔進

郭進 張青 霍良澤 郭珪 王口 史和



前陝西河東等處轉運鹽司知事安仲傑 陳□同上

□□ 馬成 刘斌 賈壺

將仕郎太平縣主簿耿元貞 前司吏刘讓 刘謙

魏毅 賈世雄 王福 孫贊 邵世榮

進義校尉灌陽縣達魯花赤懷都 □□與前行  
劉讓並

張榮 高□ 馬珣 馮秀 趙祿 李仲 李義

異國路總鎮府知事安良佐 □□同上 李超 簿

寬 □□ 楊寬 付永 王天秩 文□

忠靖校尉上均州翼上百戶耿軍兒前醫教諭薛子

□

進義校尉保定路司獄范□ 賈□ □□ 趙□

馬□ 胡德祿 □清 □□

進義校尉真定路元氏縣主簿吳□□

安慶路野人徒寨巡檢耿元長 各處杜長 蔡庄

王□ □城刘清 金朱張立英 微水房成 河

東嚴仁 東開樊仲 東良□善 □峇周成

汴梁路陳州稅務提領張仲賢

都水監壕寨官胡天麟 店頭吳□與前行蔡莊王□並 東

□王興 □軍梁盛 東王舍曹山 天戶張興

奉□張□ 北鄭安敬 帳城翟安

鎮江路鎮守百戶高崇 水碾王德同上 □里賈

成 南北水李祐 東冶喬珪 李庄曹榮 馬山

□海 芹王庄翼彥明

廣平路磁州滏陽縣典史任椿

澧州路澧蘭站驛令王明 牛山郭新 同上 南邢

李□ 宜安喬顯 西佳河濬川 □南北李□

閏奉宋與 楊庄任才

廣平路成安縣稅務大使王□管軍百戶肖□

將仕郎東平路東阿縣主簿馬全顯 安仁縣尉焦

金曾

井陘城之乾方古有文廟有元以來尹是邑者掌理置  
購田肆頃張璘遷修殿廡廟貌一新李居信典舉李  
校增廣生員明建明倫堂惟應門未完而居信秩滿後

官歷數年相繼而成矣縣尹張友直與僚佐并教諭任秉直同心協力命工建立鐫刻大德十一年

成宗皇帝命翰林長閣復草詔追封孔子大成至聖文宣王詔書碑石口手題額書丹正月廿有四日始口閏正月廿日告成父老咸曰賢哉縣侯如人為善不可不記焉以示後之來因書以記

昔泰定二年閏正月廿日并陘縣儒學教諭任秉直謹識

寓居提頭楊口社趙口

本縣鄉頭黃成

本縣石匠作頭曹善賈益作頭王堅許良

李□ 李□ 王展

右碑張友直書丹并題額任秉直立石張任二人俱  
無攷碑陰官吏銜名馬輔稱尉吏當爲縣尉之司吏  
陰陽管勾高仕元見大德十年并陞遷修文廟碑陰  
有竝官將仕郎并陞驛令孫□又有提領二人提領  
卽站赤提領元史兵志至大三年八月詔腹裏路分  
衝要水陸站赤設提領二員餘驛慢驛分止設提領  
一員如無驛令量擬提領二員并陞爲入山西之要  
道非閑慢者比故旣置驛令又設提領二員也又有  
生員前舉縣直學王士行選舉志學校凡路府州書  
院設直學考滿又試所業十篇陞爲學錄教諭後改

直學考滿爲州吏又有前官中奉大夫行中書省參知政事賈口名已磨泐不可辨以元史攷之當是賈鈞鈞有傳附居貞後史稱居貞子鈞字元播由推茶提舉拜監察御史歷官中書參知政事皇慶元年從幸上都遇疾卒於家又元文類賦燧參知政事賈公居貞神道碑謂公有五子鈞中書省參知政事又碑稱居貞薨於至元十七年其年冬十二月歸葬咸州井陘牛山先塋後公薨廿九年始贈公爵號官謚攻居貞薨後廿九年爲武宗至大二年碑撰於是年書鈞官爲中書省參知政事宰相年表至大三年參知政事內有二賈者卽賈鈞也武宗本紀鈞與帖里脫

歡俱以二年十月丁丑拜年表於二年內失書又鈞  
官中書參知政事碑作行中書省參知政事宰相年  
表皇慶元年參知政事內有賈者亦卽賈鈞仁宗本  
紀皇慶二年內不書其遷罷本傳謂皇慶元年從幸  
上都遇疾卒於家亦不詳其卒之年此碑建於泰定  
元年計是時鈞已早卒矣行省參政或是其皇慶元  
年後外遷之官本傳失書歟又有上均州翼千戶元  
壽均州元隸河南江北行省襄陽路上均州千戶翼  
當卽上均萬戶府屬兵志鎮戍大德三年三月沅州  
賊人嘯聚命以上均萬戶府鎮守常德澧州是也又  
有河陽府推官李良弼元地理志無河陽府百官志

散府有推官一員又有承務郎前松山縣尹曹瑞元  
地理志無松山縣惟上郡路松州本遼松山州金爲  
縣隸北京大定府路中統三年升爲松州仍存縣至  
元二年省縣入州案曹瑞見大德十年遷修文廟碑  
陰列銜爲登仕郎前武安縣主簿據此知曹瑞之尹  
松山尚在大德以後史志所云省縣入州當爲順帝  
之至元二年而非世祖之至元矣又有太平縣主簿  
耿元貞見大德十年遷修文廟碑陰又有灌陽縣達  
魯花赤懷都其列銜與遷修文廟碑陰張懷篤同都  
篤譯音相近當卽是人又有安慶路野人徒寨巡檢  
耿元長都水監壕寨官胡天麟澧州路澄蘭站驛令



王明案地理志澧州路上隸胡廣行省領司一縣三  
州二倚郭縣曰澧陽與地紀勝澧州澧陽縣有澧水  
在縣南楚辭沅有芷今澧有蘭故名蘭江站名澧蘭  
蓋取此元史隋世昌傳至元十四年戊揚州擊野人  
原司空山等七寨皆下之野人徙寨當卽野人原寨  
又百官志都水監掌治河渠并隄防水利橋梁隔堰  
之事至元二十八年置其屬有壕寨十六人

真定新建府署記

石高一尺四寸廣二尺五寸五分前刻記二十一  
行二十字後刻題名十三行行字不等並正書奉定  
二年五月立今在正定府署

真定新建府

石匠李忠

承事郎太常禮儀院太祝郭士文 撰

承直郎直定路總管府推官田元亨 書

真定公署自中統壬戌營建然不知主名之為誰壬戌  
距今泰定乙丑六十四年矣堂宇罅漏戶牖欹傾而規  
制初亦迫隘前後厯數十政非無賢者迺因庫習陋漫  
不加省日入於壞故世指真定為大邦以府治為不稱  
為鄉老吏民者病之歲癸亥

達魯花赤康里氏大尹趙公相繼來為是邦踰年而政  
成民以困息一日慨然以吏修府治為事謂陞級不嚴  
則位望不崇甚非所以布宣

德澤示民以上下之分也於是率僚屬即故治之而市

亢爽之地而經度焉就舉總判劉承直董其役發費于  
官雇功于民以畚以鍤以繩以削先正其視事之廳次  
及幕廩之所與夫羣吏之舍下至厨庫井厠各以序為  
而截然一新自五月壬午始事至十月丁亥卒功蓋諸  
公刺意之專用力也勤故能易壞為成如是之敏既而  
以其事屬士文記之特列置壁間以告來者竊聞禮有  
必隆不得而殺政有必舉不得而廢諸公於是燕而得  
之故樂為之書泰定二年五月吉日郡人郭士文謹記

監造府吏

高欽  
王秉剛

投控案牘兼照磨皇甫琮

將仕郎真芝路總管府知事高汝翼  
將仕郎真芝  
路總管府知事李惟秀  
承務郎真芝路總管府經

歷杜瑜 承務郎真定路總管府推官郭守正 承  
直郎真定路總管府推官田元亨 承直郎真定路  
總管府判官劉繼義 朝散大夫真定路總管府治  
中穆忽彬 中順大夫同知真定路總管府事捏只  
不丁

嘉議大夫真定路總管兼府尹本路諸軍奧魯總管  
管內勸農事趙賁

太中大夫真定路總管府達魯花赤兼本路諸軍奧  
魯總管府達魯花赤管內勸農事韓綽

右記郭士文撰田元亨書士文見正定縣志新河縣  
有泰定三年重修廟學記亦士文所撰列銜與此同

惟散階作將仕郎達魯花赤康里氏卽記後題名之  
幹綽大尹趙公卽趙貴總判劉承直卽總管府判官  
劉繼義輟耕錄氏族內載色目三十一種有康里氏  
元史或作康禮亦作凱烈

魯柏山禪定寺施緣銘記

三種

石高一尺七寸廣二尺十入行行十四  
字正書泰定三年正月立今在靈壽縣

魯栢山禪定寺施銘記

文不錄一

昔大元泰定三年 正月 日 謹誌

提點監寺 等 立石

魯栢山禪定寺施緣記

文不錄

昔大元泰定三年歲次丙寅月日謹記

圓照大師住持栢山明公長老立石

魯栢山禪定寺施緣銘記

文不錄

至正癸巳季丙辰月庚辰日謹記

衆知事等同立石

右記三種文甚鄙俚故不錄泰定三年施緣記有馬  
壹疋粟伍拾碩鈔伍拾定施與常住之語至正癸巳  
施緣銘記有中統寶鈔伍所兩悉粟叁佰拾碩牛伍  
拾疋騾子一頭施與常住之語悉疑卽泰字字書不

載碩卽石字元時鈔法以一貫爲定後又加金旁作錠此止作定猶存古意

新遷淮陰侯廟記

碑高六尺二寸廣三尺二寸五分二十六行行五十二字正書篆額致和元年立今在獲鹿縣土門關廟內

新□井陘淮陰侯廟記

新□井陘淮陰侯廟

上缺□充□□楊□韓撰

上缺僉太常禮儀院事字木魯辨書

上缺百榮祿大夫知制誥同□國□□□篆

蜀憲僉王公吏書至渝謂老書生曰吾家獲鹿舊有淮

陰侯廟在土門西道北岸上卽井陘口古戰處也有宋

慶園間邢國陳薦廟碑元祐間東垣鄭晴重修廟碑

□□□□□□□□遼陽□東之弔韓侯賦靜□先生

劉夢吉留題迨延祐庚申春孟廟史却玉等卜遷于岸

下棟宇葦飛貌像赫恒寶鼎觀瞻今序其更修歲月于

先生記之俾錢諸石先韓不敢以衰老辭竊謂記侯之

事迹易明侯之本心難侯事迹載在史冊所以與劉路

項出奇制勝者人耳目所熟覩不待記而後明若侯之

本心則有甚難明者焉司馬公修治鑑用左氏傳事體

但援班馬所書載侯拒武涉蒯徹遊說之言初無畔意

又書楚人告變陳稀邪謀則侯之本心不能以自明惟



宋文公修通鑑綱目用春秋筆削推見至隱使忠臣義

士無罪而見戮者得呂自雪故於偽遊雲夢之事大書

曰六年冬十二月帝會諸侯於陳執楚王信以歸至洛

陽赦為淮陰侯蓋楚人告變特飛語耳實未有反謀也

故綱目不以反書但書執楚王信以歸不書其所執之

由不去其楚王之爵明其無故見執也書至洛陽赦為

淮陰侯以無故而被執則亦何罪之可赦又以何罪降

而為侯乃使與噲等伍安得不快快邪於十年九月書

代相國陳稀反帝自將擊之十一年冬破稀軍正月后

殺淮陰侯韓信夷三族漢史載侯約孫反綱目削而不

書不以反罪累侯也但書后殺以見帝失征伐罪后之

擅殺功臣臣不去侯爵以見侯之亡辜被戮書夷三族以

甚后之殘忍也也后曷不念昔彭城破為楚兵所虜困辱

三年及侯擊破齊殺龍且羽勢窮求和后乃得歸正位

中宮微侯之力不及此果有畔迹亦宜侯帝還宮權其

輕重帝寬大長者藉使不免其身亦必宥其子孫何至

淫刑以逞哉帝問侯死且喜且哀嗟乎人心天理不容

混滅喜者喜其假手吕后除其隱憂哀者哀其開國元

勲子無噍類且問將死何言曰悔不用蒯徹計帝捕徹

至徹直辭以對帝釋不誅吕是知帝有仁心必不忍於

赤其族也后忍於赤人之族不自知身死肉未及寒吕

氏男女無少長頭就戮亦可以見天道之好還矣余

為此記按文公綱目用春秋書法以明我侯忠義之本  
心參以韓魏公留題詩曰家僮上變安知實史筆加誣  
貴有名邵康節亦有詩曰韓信事劉元不叛蕭何惑漢  
竟生疑則綱目法書明侯本心者非一人之私言乃萬  
世之公論而侯之心亦可以暴白於天下後世而無憾  
矣今去侯千有餘載井陘之道猶故也白鹿之泉未涸  
也當時王侯爭雄如兩蝸角莽為陳迹而侯之廟食茲  
土英靈如生由其平生剛大之氣挫而愈壯精白之操  
涅而不緇自有不依形而立不恃勢而存者使趙人畏  
敬奉承凜如一日固宜乃作迎送神之樂歌二章俾趙  
人歲時歌以祀侯云

侯之來兮雲

為旗

從陰兵兮萬

騎

隨侯入新廟兮水之

湄柱石桓桓兮神貌巍巍鼓淵淵兮雜

奏

笙篴牲

牲

肥腴兮清酒載醴神欣欣兮享我多儀

神之返

兮

風為馭朱雀前驅兮

園武奔屬神

顧趙

人方容與錫

爾多福

兮驅疫癘祈暘得暘兮雨以時雨豐

年穰

穰兮

多黍多稌飽神德兮太平既醉祗報神庥

兮何千萬祀

大元致和改元歲次戊□□□已朔十七日己酉

邑人郅玉建

匠人劉□

缺

右碑楊先韓撰字木魯耕書篆額人姓名泐惟見其名下半字是貝字當是郭貫元史郭貫傳至治元年  
起為集賢大學士尋致仕泰定元年遷翰林學士承

自不起至順二年卒碑列銜爲

上闕

自榮祿大夫知制

誥兼□國□知旨字上闕者當是翰林學士承五字

文載元文類及正定府志與石本小有異同皆節本

也先韓元史無傳文類亦僅收此文其列銜又闕泐

不可辨惟存楊字上第三字是充字碑有蜀憲僉王

公走書至渝謂老書生曰吾家獲鹿云云蜀憲僉王

公其名無攷獲鹿王氏仕元最著者惟思廉元史本

傳思廉以延祐五年卒又未嘗爲蜀憲僉廟修於延

祐七年其非思廉可知碑稱走書至渝先韓豈渝人

耶抑官於渝者耶字未嘗辨字子羣累官江浙行省

參知政事翰林侍講學士後至元四年卒贈通奉大

夫陝西行省參知政事護軍追封南陽郡公謚文靖  
事蹟具元史本傳碑列銜爲上開僉太常禮儀院事史  
稱泰定三年擢燕南河北道廉訪使入僉太常禮儀  
院事又致和元年三月己丑以字本魯珙兼經筵官  
碑無經筵銜則此碑當是致和元年三月以前所書  
碑中頗多闕泐其爲元文類及府志本所有者補之  
無者缺焉

趙國正獻公董文忠墓碑

碑高五尺五寸廣三尺二寸二行行六字末款一行  
十二字並正書無年月今在臺城縣南董村墓上  
大元贈太師趙國正獻董公墓

榮祿大夫集賢大學士張晏書

右碑張晏書無年月攷橐城董氏仕元謚正獻者惟忠烈公俊第八子文忠歐陽原功撰正獻公長子士珍神道碑云初贈光祿大夫大司徒壽國公謚忠貞後進贈體仁保德佐運功臣太師開府儀同三司上柱國追封趙國公改謚正獻吳澄忠穆公文用墓表撰於至順三年碑中列文忠銜書加贈體仁保國佐運功臣太師開府儀同三司上柱國封趙國公謚正獻又案吳文正公集有趙國董正獻公家傳後序序中正獻加贈官爵與此同案文正以天國三年七月卒據此則正獻之改謚當在天國以前矣張晏邢州沙河人文謙長子仕至御史中丞贈陝西行省平章

政事封魏國公謚文靖見文謙傳元文類姚燧文忠  
神道碑云公女三次適集賢學士張晏是晏乃文忠  
女夫姚碑及文類所載李謙撰張文謙神道碑皆稱  
晏爲集賢學士而此碑列銜爲集賢大學士蓋書碑  
時所進之官耳此與後贈體仁保德佐運功臣正獻  
董公墓碑及清獻公墓碑皆晏所書因附於致和之  
末

碑陰董正獻公世系圖

字並漫滅惟存碑端題額一橫列  
及中間一列九行行三字並正書

大元正獻公世系圖

兄文



有以爲石志卷二十一  
兄□□

兄文用

兄文直

□文□

兄文振

兄文進

□文忠

弟文□

右世系圖已漫滅僅存中間一列董忠獻公昆弟九  
人名餘不可辨吳文正公集有題董氏家傳世譜後  
云傳元明善撰譜虞集撰傳詳核譜簡明道園學古

錄臺城董氏世譜序云吾於國家功臣之系得臺城  
董氏功德事狀乃爲錄而序之以附其家傳又云譜  
曰董氏出董父者以字爲氏出陸終之子參胡者姓  
董以姓爲氏其在臺城者墓有遺石表曰御史大夫  
然中更亂離不知何代人亦不知其所自氏今定譜  
自其可知者世別而備書之此圖疑卽本之伯生世  
譜或加增損而易其名如守仁之剛元明善臺城董  
氏家傳爲董忠烈公家傳是也吾友武進湯子厚上  
舍璣徧採史傳志乘及各家所撰董氏諸人碑誌行  
狀凡忠烈公子孫世次官階可攷者列爲臺城董氏  
世系表足補此圖之缺別載鎮州攷古錄中

趙國正獻公董文忠墓碑

碑高五尺三寸廣二尺四寸五分三行行十字款一行十二字並正書無年月今在藁城縣南董村墓上有元贈體仁保德佐運功臣太師開府儀同三司上柱國趙國正獻董公之墓

榮祿大夫集賢大學士張晏書

右碑張晏書無年月藁城志有董文忠加贈收謚制列銜與此同制爲元文類不收未知何人所撰

趙國清獻公董士珍墓碑

碑高五尺七寸五分廣二尺五寸五分三行行九字款一行十二字並正書無年月今在藁城縣南董村墓上

有元贈純誠肅政功臣太傅開府儀同三司上柱國趙

國清獻董公墓

榮祿大夫集賢大學士張晏書

右碑張晏書無年月晏列銜與前二碑同蓋同時所書清獻名士珍文忠長子官至資政大夫御史中丞延祐元年薨元史無傳事蹟詳歐陽原功奉勅撰清獻董公神道碑槩城縣志有士珍追封贈謚制所贈官階爵謚與此碑同但不詳其歲月元文類亦不載此制

恒山忠武王王慶端墓碑

碑高六尺三寸廣三尺五寸四行行八字正書無年月今在槩城縣北南孟村墓上

大元贈推忠佐理同德功臣太師開府儀同三司上柱

國封恒山王謚忠武王公墓

右碑無年月亦無書碑人銜名正定府志載元成宗  
贈慶端謚制云榮祿大夫平章政事同知徽政院事  
王桓父故榮祿大夫平章政事僉書樞密院事兼徽  
政副使贈金紫光祿大夫大司徒上柱國謚忠穆公  
慶端可加贈推忠宣力功臣太傅開府儀同三司上  
柱國追封冀國公謚忠武王氏宗系圖與制同加字  
下多剝泐計其字數知卽贈推忠宣力功臣太傅九  
字此碑功臣號多同德二字又有太師及封恒山王  
等銜知係皇慶元年桓刻宗系圖之後所加贈元史  
選舉志凡封贈之制至元初二勲舊之家以特恩

見褒雖累有成法未悉行之至元二十年詔歲終考課管民官五事備具內外諸司官任內各有成效者爲中考第三考封贈祖父母父母至大二年詔議行封贈之制旋以封贈非世祖所行罷之至治三年始定封贈官等秩又文宗本紀泰定帝崩於上都燕鐵木兒謀立文宗分命勇士執中書左丞朶朶等下之獄內有太子詹事丞王桓當卽慶端子據此則慶端之進封恒山王加贈太師當卽至治三年正月丁巳始定封贈等秩之後但年月無所攷耳因桓在泰定帝末官太子詹事丞遂附此碑於致和之末

策公塔

塔高三尺五寸八面每面廣八寸五分第一面題策  
公之塔四字第三四五面刻經每面八行行三十四  
字第六七面題名並正書餘二面無字  
天國二年五月立今在靈壽縣祁林院  
佛頂尊勝陀羅尼 顯賓沙門佛陀波利奉 詔譯

經文不錄

昔大元國歲次己巳年庚午月辛卯日 助緣女善

人王智玉 □慧寶

功德主 園莊村 社長邢義 邢齊 石朱口 社

長邢貴 團標口馬社長

僧衆題名不錄

右塔第五面陀羅尼咒後一行書昔大元國歲次己  
巳年云云攷元自太祖元年丙寅至順帝至正二十

八年戊申凡三值己巳年一係太祖四年其時未得  
真定一係世祖至元六年一係文宗天國二年策公  
名智策見祁林院大德元年聖旨碑記後大壽寺  
宗派圖又見延祐元年恩惠撫護碑聖旨後所稱祇  
林院見知事提點智策是也塔係其徒慧備等所造  
稱己巳年是文宗天國二年無疑矣

### 慶公塔銘

塔高二尺五寸八面一三五七面各廣五寸餘四面  
廣二寸五分第一面題西溪慶公長老之塔八字第  
二第八面無字第三第七面各六行餘各二行行三  
十字正書天國二年六月十九日立今在元氏縣城  
內開化寺

三聖住持西溪慶公長老塔銘 并序

槐水龍山 譔



并書

師本鹿泉太平鄉王村許文貴之次子也母雷氏公自幼稟性清潔志不群同年甫十七禮元氏湘山普濟院照公庵主為師訓名于慶自號西溪巾瓶執事日夜無替一日辭師行廊徧歷叢林於通辯果公大師席下師資道契出世成名二十餘稔公復自謂猶亦未得第一義諦為歎復趨拜於梅溪口琛公大禪師丈室一見機緣密契十載勤懇方蒙印可以衣領付之曰忘歸口孫矣公既傳普濟推為住持出世開堂住持湘山未及三春退已讓人來臨本縣受本院請公既臨補舊添新俄經一十餘載乃至增置常住田土

百口見成護法安人始終如一及以罄已囊資置買庄  
田五十餘畝皆以道業資持得如是矣公遷于天國  
二年五月十三日亦疾而終俗壽七十有八僧夏五十  
有一剃度門人有四於茶毗日緇素紅黃鶯一宅北無  
不咸謂之感切者茶毗既已收師身骨卜吉地而葬之  
於時徒門執事不忘報本隨命工刊石勝口及丐口銘  
於余余謂曰爰公之行道已傳于祖室名久振于諸  
方豈待余口傳之口口也耶因辭不已聊以撫其實而  
復為之贊曰

偉與慶公學問崢嶸性稟高潔志不侔同年甫十七師  
禮大雄叢林徧歷禪教俱通嗣果公法師歸清宗隨緣

應感三聖興隆田園富植倉廩盈豐德建名立元始  
終壽登七秩示寂歸空龍山霧鎖槐水登籠□□執事  
克孝克恭茶毗煙滅寶葬深重不忘報本剏塔命工勒  
銘於上永播園風

天國二年六月十九日門人 法清法滿法湮法洪本

院提點崇廣 前監寺崇智等建

見監寺崇道 錢鼎正□ 本縣石匠李敬祖李□

刊監庫正明 侍者正信 正達

右塔銘槐水龍山撰并書槐水亦名泝水發源贊皇  
縣西黃沙嶺下東北流經元氏縣城南五里又東流  
高邑柏鄉縣達圍晉縣入葫蘆河卽班固云元氏縣

沮水首受中邳西山窮泉谷東至堂陽入河是也慶  
公爲三聖住持據銘有來臨本縣受本院請云云開  
化寺十院之名備詳於大德十年重修七間殿記及  
元統二年重修聖像法堂記碑陰題名皆無三聖院  
元氏縣志亦不載其名蓋闕佚不可攷矣

### 十方萬歲禪寺莊產碑

碑高六尺三寸五分廣二尺六寸二十五行行五十  
七字行書篆額有陰至順元年十月立今在正定府  
治西北隅前寺

### 真定府在城十方萬歲禪寺莊產碑

真定府在城十方萬歲禪寺莊產碑

昭文館大學士資德大夫太史院使領司天監事

□□撰

集賢大學士榮祿大夫 咬住 篆額

奎章閣侍 書學士翰林直學士中奉大夫知制

誥同脩 國史虞集書

儒釋之教大抵率人為善雖趣習之不同用之無□□  
也吾儒序政其一曰足食足兵民信之矣而釋氏亦以  
食□為□□所謂□□猶且著衣持鉢乞食於□城□  
□學□者乎□其所作皆辨□□□□誦經典或守  
護尸羅先報四恩國王水土乃其一也大□東□千有  
餘載□臣為之建精藍檀信為之資奉養俾沙門無持  
鉢行乞之勞得以□游晏處接物利生教門之盛蓋由

此也真定古鎮陽素稱名□唐天壽太子就城建萬歲  
禪寺□擇勝地位次于乾先是臨濟之道起于鎮陽故  
茲□實隸焉成梵刹□復營贍僧之產厯代增廣之其  
在靈壽縣□廩村者□□七頃□□立莊宇一區為春  
秋省耕歛入之所□林地土曰萬歲莊東至魯柏山西  
則秋山院南噎石口北大名川俱以分水為界其□平  
山縣下□鄉□□□東至□檀莊分水嶺南則煞漢  
里水心西七里河北大沙營□把頭三嶺皆分水為界  
前後四至界內寸土尺地一草一木悉為萬歲□產然  
守□□人則能□□□未苟失其守或未免乎穿窬越  
境樵採之弊故執事者屢聞于官以是寺規久為不覓

至甲午歲僧澤□□疏請慶壽□雲宗□為主遂授帟  
□□□□曰篁菴曰休巖曰瑞雲曰晦居清公相繼住  
持清既沒越二載泰定元年甲子衆莫能支乃請□□  
□持桂巖顯公□師來主法席師於壯□嘗寓錫是山  
念濟北之道有少不振及寺之消歇志欲興之往依月  
溪禪師於柏林溪一見竒之機語相契由是徧厯□要  
後師住柏林遂為月溪□及泰定赴萬歲之請乃□力  
勉為弊者葺之寺無扶顛之憂天相神助雨暘時若堂  
有□□廩有餘粟師乃舉揚□□□□倦聲名腥香  
罕出其右余嚮風亦久而未及識至順收元冬師來  
京師遂獲瞻奉式副素願一口告□□處世之要不

患無遇患所不能□□一介常衲三主名藍知無不□  
□恐弗逮耳如萬歲忝處數年稍復倫序罔敢自以為  
功但寺之莊產誠為□計昔自五代之間兵革無時寺  
罹回祿凡前傳記顛末在金石者□□予遺及汴宋軋  
德中興梵剎迄今四百餘年竹帛之傳慮非悠久因出  
前事□俾余記之將勒諸堅珉用垂不朽創業不易守  
成尤難師□□葺若此而又推誠致遠余何靳於散  
之文然師宜於飯衆之暇溥告之曰□寺受是供已當  
須量彼來處精勤脩習念報佛恩如是則廚中執□或  
有寒山碓畔負春豈無慮老苟徒以口腹是計此則非  
吾所敢知也師曰唯□糸之以辭曰



臨濟之道 猶日麗天 無遠弗届 罔測其邊 猗  
歟萬歲 實紹其傳 有唐建始 相基于軋 四境  
相□ □溪是旋 爰集開士 闡大法筵 庇以廣  
厦 給以良田 既廢中興 既斷復連 柏林風清  
桂巖月圓 去彼□□ □□□□ 金湯城池  
維深維堅 勒茲貞珉 垂萬斯年

至順元年庚午歲十月 日

宣授領臨濟宗大慶壽寺住持魯雲長老興吉祥

榮祿大□□空□雲門宗大聖安禪寺前住持雲□

□□□□勸緣

正議大夫禮部尚書致仕張國維 正議大夫□□

路總管兼府尹本路諸軍奧魯總管管內勸農□□  
□□立石

右碑虞集書咬住篆額誤文人姓名磨滅不可辨咬  
住元史無傳有中政使咬住見文宗本紀至順二年  
監察御史張益等言其在英宗朝與欽察台造謀誣  
告脫歡察兒將構異圖者與此當別是一人又宰相  
年表順帝至正二十三年平章政事內有咬住又虞  
集學古錄有題咬住學士孝友卷稱京城之巽隅自  
門入循城少西有桓楹在道北表之曰蒙古氏咬住  
孝義之門每過而式之求見其人不可得又稱英宗  
朝欲廣宗廟使人求財於江南咬住受命行以便宜

從事民商不病而工師告充又稱奉詔修經世大典  
行懷慶路書曰郡嘗有蝗大至守臣咬住出郡百餘  
里禱古蜡神祠一夕大雨蝗盡去又云咬住奉詔建  
寺集慶還拜侍讀入翰苑得爲同官其孝義之事已  
見國子祭酒魯公所述攷勅修經世大典始於文宗  
天國二年九月成於至順二年五月集慶造寺以至  
順元年興工二年正月告成見集所撰大龍翔集慶  
寺碑此碑建於至順元年十月是時集慶工役未畢  
咬住當尚在金陵據虞跋謂建寺集慶還始拜侍讀  
入翰苑而此碑列銜爲集賢大學士榮祿大夫其非  
一人可知矣但未識是至正中平章政事之咬住否

碑謂唐天壽太子就城建萬歲禪寺因擇勝地位次於乾天壽太子見正定府志仙釋傳其言荒誕不經不足與辨碑後題名魯雲長老列銜爲宣授領臨濟宗攷宋釋惠洪僧寶傳臨濟宗起於黃蘗法嗣續文獻通攷臨濟義元禪師曹州南華人姓邢氏咸通七年寂塔全身於府西北隅謚慧照禪師塔口澄虛正定府志謂居鎮州臨濟寺在府治東有塔俗稱青塔相傳卽澄虛塔也然與續文獻通攷塔全身於府西北隅之語不符案陸游老學菴筆記保壽禪師作臨濟塔銘云師受黃蘗印可尋抵河北鎮州城東臨漳沱河側小院住持名臨濟其後墨君和太尉於城中

捨宅爲寺亦以臨濟爲名近見呂元直承相燕魏錄  
載真定安業坊臨濟院乃昭憲皇太后故宅保壽與  
臨濟乃師弟子不應有誤豈所謂臨濟院者又嘗遷  
徙耶云云案安業坊今不可攷今府治東之臨濟寺  
或係墨君和故宅或係昭憲皇后故宅皆不可知至  
於義元禪師之臨濟院則在城東無疑今城東有臨  
濟河又有大小林濟村其村亦正臨滹沱然則河與  
村皆因院而名故址當在村中第臨濟譌作林濟耳  
元大慶壽寺明爲慈恩寺嘉靖初廢爲射所名講武  
堂又爲演象所今爲雙塔慶壽寺在京師內城西長  
安街金章宗時所創元程鉅夫雪樓集有大慶壽寺

大藏經碑云寺住持西雲師名子安法行高卓累朝  
所重賜號佛光慈照明極淨慧大禪師官榮祿大夫  
大司空領臨濟一宗事云云此碑之魯雲長老當是  
西雲法嗣惜無碑刻可攷大聖安寺宋裴燕石集云  
金所造元一統志云在舊城金天會中佛覺大師瓊  
公晦堂大師俊公自南而北帝后爲營繕成大法席  
皇統初賜名大延聖寺七年二月詔改大聖安案寺  
在今京師南城聖安寺街碑前住持下其名已泐僅  
存一雲字其列銜爲榮祿大夫空字上泐者當是司  
字空字下當是領字元代僧人多加大司徒大司空  
等官名爵之濫莫甚於此月溪禪師見趙州柏林寺

延祐三年王思廉所撰碑張國維元史無傳元柳貫文集有追封清河郡侯張公墓碑銘云府君諱演卒以大德五年寔以九年有子三第二子名國維亞中大夫濟園路總管兼管內勸農事兼本路諸軍與魯又云國維字輔卿歷十官嘗以德安屯田總管出議鹽法山東其所因革定著爲令云云當卽其人禮部尚書是其內擢之官也

董士恭墓碑

殘碑高五尺一寸廣二尺八寸三行行存六字正書無年月今在橐城縣南董村墓上

上資德大夫陝

缺

道行御史臺

缺

史中丞董公墓

右碑無年月及書碑人姓名上截殘缺今以橐城董

氏諸墓碑及正定府志藁城縣志攷之此所謂董公者當是正獻公文忠子士恭碑第一行所缺者是大元二字二行西諸二字三行御字士恭元史無傳案黃文獻公文集有資德大夫陝西諸道行御史臺御史中丞董公神道碑謂公歿二十年而墓隧之石未有刻辭至正十年夏四月九日治書侍御史臣老老奏請命翰林侍講學士臣潛爲之銘資政院使臣朶爾直班書其文治書侍御史臣期頤篆額以賜云云此碑今未見拓本其石未知尚存墓道否又碑云公諱士恭字肅卿正獻五子公最幼延祐二年復立陝西諸道行御史臺以公爲御史中丞俄謝病歸累擢



河北河南江北淮東兩道廉訪使俱不赴卒於至順  
元年三月三日享年五十三葬於橐城九門先塋之  
次子二人守讓守訓又元女類載姚燧撰忠貞公董  
文忠神道碑敘公子五人次士恭爲第三與黃碑不  
合未知孰是據黃碑士恭卒於至順元年則此碑當  
卽是年葬後所立

武安王封號石刻

碑高一尺四寸二分廣六寸五分行十三字額  
題大元勅封回字並正書至順二年立今在正定府  
城內隆興寺

大元勅封

齊天護國大將軍檢校尚書守管

淮南卽度使兼山東河北四門

閑鎮守招討使兼提調諸官廟

神煞無地分處

檢校官中書門下平章政事

開府儀同三司

駕前都統軍無圍候

壯穆義勇武安英濟王

護國崇國真君

昔至順二年

右碑無書人名攷元史文宗本紀天國元年九月庚辰加封漢將軍關某爲顯靈義勇武安英濟王遣使

祠其廟此碑立於至順二年封號內有壯穆而無顯  
靈豈天圖後改封耶其餘官號均不詳加封年代護  
國崇國真君元統二年安陽荆建武安王廟記與此  
同亦不知何年所封

真定路加葺宣聖廟碑

碑高七尺二寸廣三尺二寸五分行行五十一字隸書篆額有陰至順三年夏五日長至立今在正定府學

真定路加葺宣聖廟碑

真定路加葺宣聖廟碑

集賢直學士朝請大夫國子祭酒李木

魯翀

奎章閣侍書學士翰林侍講學士

通奉大夫知制誥同脩國史虞集

書并題額

初鎮州置真定路以中山冀晉趙深蠡府  
一州五土地人民奉我

宣宗景襄仁聖皇帝顯獻莊聖皇后

湯沐首務立學養士當是也

世祖聖德神功文武皇帝淵潛邦庭開鎮  
之學緩未即叙龍集丁未勅有司勿怠  
昇事於是以金粟岡廟址崇殿廡闢黻舍  
太原元好問有記粵十有四季再申即  
隍都燕統壹八表置憲肅郡府鎮憲為諸

道之冠庠序闕略又憲人府人胥議興治

至元暨令雖畀加葺猶有未備至順辛未

憲暨府義倡集楮緡三萬市物傭工募役

自壁之廡自廡之門新其屋楹卅有二棟

宇軒楯并挾環合左右翔峙佗杏壇弓壁

之北元文類有神廟之東六字自庑祖學門垣柱栢

循序森立瓦塼締築堅麗於龕先是府尹

馬斯虎文類作忽己墓未構而去政人遷易者

十餘年尹張忙兀台文類作張猛台倅和元什治

中和則平繼至憲使文類有微二字提其經賈

佐韓復理其目始克有濟其辛夏告成士

申春府遣吏李明善介徵士瞻思狀來請  
志其績神嘗貳憲燕南義不容讓稽宋蔡  
東邊學陸佃記略曰真定雖塞北有江南  
之勝江南豪傑特起如臨川三公與孟軻  
相上下真定初未有閭閻是何言之怪也  
真定者冀州東垣堯裔對也昔帝堯以帝  
謨子堯嶺山之誓自誓堯即天子位從山  
之西号陶唐氏大行東西境數千里皆帝  
之圻真定固神明之宅也孔子經蕩於易  
則辨災犧以本无言書則始唐虞以直政  
事詩則采殷周以正性情春秋則黜五伯

以嚴名分禮樂升降以鑒窪窪天人之道  
至矣邇曰唯天爲大唯夷則之唐韓愈謂  
夷以道傳羅異湯文武周公孔子孟軻盖  
孔氏立教如帝嚳淑言如三謨帝夷孔子  
位不同而同王安石背道迷經蒙君誤國  
京師傾黨滋熾世益大壞河南程氏兄弟  
承先聖之緒殊之終賴其言道不墜地建  
安朱氏師刪兩程裒輯遺言貫通折衷以  
悟百世先正許文正公見其書神感明會  
相我先朝世類作同符夷彝世道人  
心翕然大正洙泗淵原日月昭朗今

神聖繼興世曰趙治鎮股肱郡也帝夷之  
思在焉 朝廷之化先焉崇事先聖所  
以教也鎮士知所鄉往下學上達尊經慎  
藝何德不進何業不脩何躬不鑒何古不  
及憲教之輔治教縉紳之報君久於是乎  
在迺賦詩以慰鎮人士曰

大行之山 滂沱之水 輶古與美 陶  
唐之里 滂沱之澍 大行之阻 輶今  
與伍 皇祖之土 恆山嶙嶙 滂水沔  
沔 昊天生民 思夷之仁 滂水湯湯  
恆山蒼蒼 帝夷相望 於茲世皇



始鎮之府 時未忘武 維士与女 澤

沐時雨 龍德幽潛 萬方既詹 春熙

秋嚴 自北而南 皇風斯扇 時雖在

變 視彼侯甸 恆鎮之先 大壑周廡

先聖之宇 久未令睹 誰敢予侮

有廟有庭 有戶有局 肅肅其凝 昭

昭其靈 新是鎮學 式對恆岳 維士

也確 順我先覺 采門於牆 采室於

堂 伊洛序亭 使我不盲 維聖之育

維王之素 圖冠方屨 天地之度

侃侃聞聞 大大申申 如目之眴 如

躬之親 既儼既翼 臨女明德 以賓  
皇國 方州是則 鎮人聚喜 歸功憲  
紀 憲人曰止 其誰敢爾 願望神京  
稽首奉揚 配天無疆 天子之光  
夏五日長至建

右碑字木魯朮撰虞集書并題額案碑係篆額而此  
作題額頗與金石書例不符朮列銜集賢直學士朝  
請大夫國子祭酒元史朮傳文宗從幸上都嘗奉勅  
撰碑文稱旨帝曰俟朕還大都當還汝潤筆費還集  
賢直學士兼國子祭酒虞集列銜與至順元年萬歲  
禪寺莊產碑同惟散官此作通奉莊產碑作中奉者

當是其遷轉之階本傳不載文爲元文類所收與石本間有異同皆分疏於本文之下至於石本闕泐亦據文類補入至如倅和元升治中和則平見有碑陰題名可證文類作倅和則平治中和允升者誤也又文類作杏壇於殿之北下有神廚于廟之東六字憲使提其綱憲使下有妥歡二字石本皆無之案妥歡卽碑陰之廉使脫歡疑書丹時所脫張忙兀台等見碑後題名瞻思見元史儒學傳傳云泰定三年詔以遺逸徵至上都以養親辭歸天國三年召入爲應奉翰林文字詔預修經世大典以議論不合求去命虞集諭留之堅以母老辭遂賜幣遣之至順四年除國

子博士丁內艱不赴碑建於三年正瞻思養母家居時也

碑陰

上下二截各二十九行行字不等正書

魏可正 朱有初 馬絃□

監督府吏 真芝路總管府提控案牘兼照磨承發架

閣宋祥 登仕郎真芝路總管府□事栗友諒 將仕

郎真芝路總管府□事田琬 承務郎真芝路總管府

經歷王良 承直郎真芝路總管府推官劉彥□ 承

直郎真芝路總管府推官趙□ 承直郎真芝路總管

府判官李天□ 朝列大夫真芝路總管府治中和則

平 朝請大夫同知真定路總管府事張景賢 中順

大夫同知真定路總管府事□元昇 正議大夫真定

路總管兼府尹本路諸軍與魯總□□內勸農事張忙

□台 朝散大夫真定路總管府達魯花赤兼本路諸

軍與魯總管府達魯花赤管內勸農事草地裏 奏差

崔庭芝 王亨 張慶□ 趙文獻 曹好義 典

吏 李思齊 白宗禮 胥貞 林思誠 □敏 鄭

棐 廉備迪凱□ 楊履謙 李尊 書吏 王文祖

王景明 張友直 王庭瑞 李道本 盧文益

韓居義 唐元万 通事 察罕不花 譯史 劉文

圖 承務郎燕南河北道肅政廉訪司管勾承發架閣

兼照磨韓政 承事郎燕南河北道肅政廉訪司知事  
韓復 承事郎燕南河北道肅政廉訪司經歷張希明  
奉政大夫僉燕南河北道肅政廉訪司事李達 中  
順大夫僉燕南河北道肅政廉訪司事也先不花 承  
德郎僉燕南河北道肅政廉訪司事郝志善 承直郎  
僉燕南河北道肅政廉訪司事王士元 亞中大夫僉  
燕南河北道肅政廉訪司事伯顏忽都 奉議大夫燕  
南河北道肅政廉訪副使馬良佐 承務郎燕南河北  
道肅政廉訪副使禿魯 正議大夫燕南河北道肅政  
廉訪使脫歡

鹿泉□工 □守敬 趙璞 等刊

張欽 □□本 李開 宋恭 李勤 閻士中

邵喆 路士安 薛士能 石文復 李元 劉崇

德 李珍 張允明 孫希祖 劉勤道 徐允恭

路克中

生員 李寬 白從質 李興祖 史秉直 李永訓

陳守貞

時習齋 齋長賈克□ 齋諭馬忠 司儀劉晦 舉

事李寧 劉祺 劉彬 梁棟 田友賢 楊德崇

楊從士 周仲德 宋蒙 劉岱 薛魯 劉仲

賢 劉汝楫 梁師閔 陳思義

生員 張□ 陳復 崔英 王思道 王庸德 安

天瑞 甄誠□

日新齋 齋長翟舜選 齋諭艾守直 司儀曹詩禮

舉事劉好□ 掌樂郭訥 司書王思孝 楊德

新 直學王汝方 宋舉 學正李居仁 前教授

續克昭 教授歐陽希賢 學□□綬 學錄張 缺

學官 典史袁 缺 達魯花赤抄兒赤 錄事周天善

錄判張 缺

錄事司 達魯花赤愛也赤 主簿袁忽都不花 典

史劉 缺

真定縣

供給司屬官 衛懋溫 宋良 魏砥 曹文質 李



夏□ 劉天民 劉從政 安仲或 閆璋 白信

孟□ 孫居仁 劉英 張泰 焦昱 彭行義

王韜 閆朴 趙居義 張翼 程思恭 師尊

義 王景周 孫圀 潘藝 楊宗禮 楊□祖

王恭潔 趙維禎 齊賢

府吏□□ 李明善

通事 朶兒只 譯史 孫滅兒

右碑陰官吏銜名分兩截上截二十九行左讀左十五行為廉訪司官吏百官志肅政廉訪司每道定置廉訪使一員僉事四員此碑廉訪使止一員僉事多一員餘與志符又廉使脫歡副使有名禿魯僉事有

名也先不花者元史列傳有脫歡仕世祖朝官至武昌路總管府達魯花赤又有也先不花蒙古怯烈氏官至湖廣等處行中書省左丞相至大二年卒追封恒陽王謚文貞子五人次曰禿魯歷事四朝起家宗正府札魯花赤拜開府儀同三司中書右丞相御史大夫太傅錄軍國重事天曆二年追封廣陽王皆與此無涉又有僉事伯顏忽都王士元郝志善元史文宗本紀至順二年十二月己巳御史臺臣言僉燕南道廉訪司事伯顏忽都王士元郝志善憲綱不振宜免官從之攷元有兩王士元一見秦定帝紀秦定元年十月丁巳監察御史王士元請早諭教太子帝嘉

納之其一字堯佐恩州人泰定四年進士由棣州判  
官遷知濬州至正十七年賊復迫濬州兵悉潰散士  
元父子死之事蹟具忠義傳燕南僉事王士元當卽  
此人惟傳不言其曾爲燕南僉事耳右十四行爲總  
管府官吏百官志諸路總管府定置同知一員此有  
二員餘與志符總管張忙忙字下泐一字同知  
忙字下泐元昇其姓已泐卽碑陽之府尹張忙兀台倅和元  
升也知事韓復卽碑中之賓佐韓復也治中和則平  
亦見碑文中總管府達魯花赤草地裏黃潛文集有  
遼陽等處行中書省左丞亦輦眞公神道碑謂公兄  
弟十人弟曰草地里中奉大夫眞定路總管府達魯

花赤又云公偉吾而人四世祖小云失脫忽憐侍睿  
宗皇帝於藩邸眞定睿宗分地遂以爲達魯花赤俾  
世襲其職曾祖八丹祖刺眞考察乃又贈思哈珊神  
道碑大父寫云赤篤忽璘子四伯八僧哈珊卽八僧  
子案小云失脫忽憐卽寫云赤篤忽璘元史作小雲  
石脫忽憐有傳哈珊爲八丹第四子臘眞其第五子  
也據此知草地裏卽哈珊之從孫矣下截二十九行  
左讀有府吏張翼諸人正定府志云張翼樂城人初  
爲吏轉錄事拜監察御史又改廉訪司僉事嗜儒術  
天性孝友能周人之急李治嘗誨學者曰涖官如張  
錄判可也子七人俱賢亦見樂城志其墓志銘爲圓

復所撰縣志謹載其銘而不錄其志案志稱翼爲李  
治所稱則其人是元初人此碑之張翼特姓名偶同  
耳又有司書掌樂百官志無此職選舉志國子學司  
樂一員典籍二員舊舉積分生員充之後以積分既  
革於上齋舉通曉音律學業優贍者爲司樂幹局通  
敏者爲典籍司書掌樂當卽仿國學司樂典籍之職  
而置與又有日新齋齋長齋諭司儀舉事時習齋齋  
長齋諭司儀舉事諸人案選舉志國子學有六齋上  
兩齋左曰時習右曰日新講說易書詩春秋科習明  
經義等程文者隸焉又大都路學仁宗延祐四年大  
興府尹馬思忽重修殿門堂廡建東西兩齋據此知

路學皆置兩齋蓋仿國學六齋之制因不敢上擬國  
學故併六齋爲兩齋而仍襲其日新時習之名焉國  
學諸齋長論之設起於宋時宋史選舉志諸齋長論  
月書學生行藝於籍每季終論可選者攷於學諭元  
國學之制大略因宋之法而損益之齋長齋論之名  
當亦仿國學而設特元制未詳耳舉事亦名齋舉以  
生員充見至正十七年楊俊民撰井陘增修廟學記  
碑陰司儀選舉志國學其本學各置侍儀舍人於上  
中齋舉禮儀習熟音吐洪暢曾掌春秋釋奠每月告  
朔明贊衆與其能者充之司儀當卽仿此而置歟

常山貞石志卷二十